

四庫全書

子部

欽定四庫全書

子部
玉海卷二百

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣程 澍

欽定四庫全書

玉海卷二百

宋 王應麟 撰

祥瑞

總瑞

圖瑞

黃帝羣瑞

宋符瑞志黃帝聖德光被羣瑞畢臻有屈軼之草生於庭佞人入朝則草指之是以佞人不敢進有景雲之瑞

三星皆黃色以天清明時見於攝提名曰景星黃服齋
於中宮坐於元扈洛水之上有鳳凰集或止帝之東園
或巢阿閣或鳴於庭其雄自歌其雌自舞麒麟在園神
鳥來儀五十年秋七月庚申天霧三日問天老力牧容
成天老曰今鳳凰翔於東郊而樂之其鳴音中夷則與
天相副天有嚴教以賜帝霧除遊於洛水之上見大魚
魚流於海得圖書龍圖出河龜書出洛接萬神於明庭
今寒門谷口是也 詩文王疏鄭於六藝論極言瑞命

之事云太平嘉瑞圖書之出必龜龍銜負馬黃帝堯舜
周公是其徵也若禹觀河見長人舉陶於洛見黑公湯
登堯臺見黑鳥至武王渡河白魚躍文王赤雀止於戶
秦穆公白雀集於車是其變也

堯十瑞

述異記堯時宮中芻化為禾鳳凰止庭神龍見沼歷草
生階宮禽五色鳥化白神禾生筴莆生厨景星耀天甘
露降地是為十瑞

周受命符

董仲舒傳書曰白魚入於王舟有火復於王屋流為烏
此蓋受命之符也周公曰復哉復哉注師古曰言周有
盛德故天報以此瑞也見今文秦誓

漢赤帝符

高帝受命符

見五星聚

郊祀志贊孝武太初改制倪寬司馬遷等從公孫臣賈
誼之言服色數度遂順黃德劉向父子以為漢得火故
高祖始起神母夜號著赤帝之符旗章遂亦得天統矣

注至光武建武二年乃用火德色尚赤 王命論劉氏承堯之祚氏族之世著乎春秋唐據火德而漢紹之始起沛澤則神母夜號以章赤帝之符 高帝其興有五

始受命則白蛇分西入關則五星聚

漢神異經

書目漢東方朔記二卷 晉張華傳朔周游天下所見神異山海經所不載者列之 唐志神仙家東方朔神異經二卷 張華注 選注引之

漢太元本瑞 封禪符瑞

兒寬傳上壽曰將建太元本瑞登告岱宗注蘇林曰太元太初歷也本瑞白麟寶鼎之屬 武紀元狩元年冬十月行幸雍祠五畝獲白麟作白麟之歌二年夏馬生余吾水中南越獻馴象能言烏元鼎元年夏五月得鼎汾水上四年六月得寶鼎后土祠旁秋馬生渥洼水中作寶鼎天馬之歌五年十一月辛巳詔曰冀州雕壤迺顯文鼎獲薦於廟渥洼水出馬朕其御焉望見泰一修

天文壇辛卯夜若景光十有二明丁酉拜况於郊元封
元年春正月詔曰朕用事華山至於中嶽獲駸廡翌日
親登嵩高吏卒咸聞呼萬歲者三夏四月癸卯登封泰
山詔曰用事八神遭天地况施著見景象屑然如有聞
震於怪物欲止不敢遂登封泰山至於梁父升禮肅然
二年六月詔曰甘泉宮內中產芝九莖連葉上帝博臨
不異下房賜朕弘休作芝房之歌四年春三月詔曰朕
躬祭后土地祇見光集於靈壇一夜三燭幸中都宮殿

上見光六年三月詔曰朕禮首山昆田出珍物化或為
黃金祭后土神光三燭太初二年夏四月詔曰朕用事
介山祭后土皆有光應四年春斬大宛王首獲汗血馬
來作西極天馬之歌太始二年三月詔曰有司議曰往
者朕郊見上帝西登隴首獲白麟以饋宗廟渥洼水出
天馬泰山見黃金宜改故名今更黃金為麟趾裏蹠以
協瑞馬因以班賜諸侯王三年二月行幸東海獲赤鴈
作朱鴈之歌幸琅邪禮日成山登之罘浮大海山稱萬

歲四年夏四月幸不其祠神人於交門宮若有鄉坐拜者作交門之歌後元元年二月詔曰朕郊見上帝巡於

北邊見羣鶴留止薦於泰時光景並見 司馬相如傳

封禪書囿騶虞之珍羣史記囿作圖 徵麋鹿之怪獸導一莖

六穗於庖導史記作巢 犧雙貉共抵之獸獲周餘放龜於岐

史云周餘珍鼎也 招翠黃乘龍於沼鬼神接靈囿賓於閒館欽

哉符瑞臻茲猶以為薄不敢道封禪詩大澤之博廣符瑞之富作頌曰甘露時雨厥壤可游嘉穀六穗我稷曷

蓄般般之獸樂我君囿白質黑章其儀可喜騶虞濯濯之

麟游彼靈時孟冬十月君徂郊祀馳我君興帝用享社

宛宛黃龍興德而升依類託寓諭以封巒司馬遷傳

太史公曰明天子獲符瑞封禪受命於穆清澤流罔極

海外殊俗重譯款塞請來獻見郊祀志有司言元宜

以天瑞不宜以一二數一元曰建二元以長星曰光今

郊得一角獸曰犛云

漢武帝符瑞

宣紀本始二年十月詔曰孝武皇帝建太學修郊祀定
正朔協音律封泰山塞宣房符瑞應寶鼎出白麟獲功
德茂盛不能盡宣而廟樂未稱其議奏 夏侯勝傳武帝
躬仁誼厲威武百蠻卒服款塞自至珍貢陳於宗廟協
律音造樂歌薦上帝封泰山立明堂上天報況符瑞並
應寶鼎出白麟獲海效巨魚神人並見山稱萬歲

漢元康珍物 嘉瑞 嘉瑞改元

郊祀志 宣帝十二年云云明年正月始幸甘泉郊泰畤數

有美祥三月幸河東祠后土有神爵集改元為神爵明

年正月鳳凰集殺羽於所集處得玉寶起步壽宮

史大事記

云山寶璧玉器

後間歲鳳凰神爵甘露降集京師赦天下其冬

鳳凰集上林乃作鳳凰殿以荅嘉瑞明年正月復幸甘

泉郊泰畤改元曰五鳳明年幸雍祠五畤其明年春幸

河東祠后土赦天下後間歲改元為甘露正月上幸甘

泉郊泰畤其夏黃龍見新豐建章未央長樂宮鐘虡銅

人皆生毛長一寸其時以為美祥後間歲正月上郊泰

時因朝單于甘泉宮後間歲改元為黃龍鳳凰下郡國
凡五十餘所 宣紀本始元年五月鳳凰集膠東千乘
赦天下四年五月鳳凰集北海安丘淳于地節二年四
月集魯郡羣鳥從之大赦元康元年春三月詔曰廼者
鳳凰集泰山陳留甘露降未央宮朕不能彰先帝休烈
協寧百姓承順天地調序四時獲蒙嘉瑞錫茲祉福夙
夜兢兢靡有驕色內省匪懈永惟罔極書不云乎鳳凰
來儀庶尹允諧其赦天下徒賜勤事吏爵二級女子百

戶牛酒加賜鰥寡孤獨三老孝悌力田帛所振貸勿收二
年三月以鳳凰甘露降集賜天下吏爵二級民一級女
子百戶牛酒鰥寡孤獨高年帛三年春以神爵數集泰
山賜諸侯王丞相將軍列侯二千石金郎從官帛各有
差賜天下吏爵二級民一級女子百戶牛酒鰥寡孤獨

高年帛夏六月詔曰前年夏神爵集雍

漢注大如鷄爵
黃喉白頸黑背

腹班文也今春五色鳥以萬數飛過屬縣翱翔而舞欲集未

下其令三輔毋得以春夏擿巢探卵彈射飛鳥具為令

四年三月詔曰廼者神爵五采以萬數集長樂未央北

宮高寢甘泉泰畤殿中及上林苑朕之寡德屢獲嘉祥

賜爵牛酒帛比年豐穀石五錢神爵元年

應劭曰前年神爵集於長

樂宮故
改元

春正月行幸甘泉郊泰畤三月行幸河東祠后

土詔曰朕承宗廟戰戰慄慄惟萬事統未燭厥理廼元

康四年嘉穀玄稷降於郡國神爵仍集

仍頻也

金芝九莖

產於函德殿銅池中

金芝色象金也
銅池承雷也

九真獻奇獸

漢注
駒形

麟色仁南郡獲白虎威鳳為寶朕之不明震於珍物飭
而愛人

躬齋精祈為百姓東濟大河天氣清靜神魚舞河幸萬

歲宮神爵翔集汾陰有朕之不德懼不能任其以五年

萬歲宮

為神爵元年賜天下勤事吏爵二級民一級女子百戶

牛酒鰥寡孤獨高年帛所振貸物勿收行所過毋出田

租二年春二月詔曰廼者正月乙丑鳳皇甘露降集京

師羣鳥從之以萬數朕之不德屢獲天福祇事不怠其

赦天下四年春二月詔曰廼者鳳凰甘露降集京師嘉

瑞並見修興太一五帝后土之祠祈為百姓蒙祉福鸞

鳳萬舉蜚覽翱翔集止於旁齋戒之暮神光顯著薦鬯
之夕神光交錯或降於天或登於地或從四方來集於
壇上帝嘉嚮海內承福其赦天下賜民爵牛酒帛十月
鳳凰十一集杜陵十一月集上林五鳳三年三月詔曰
北邊晏然靡有兵革之事朕飭躬齋戒郊上帝祠后土
神光並見甘露降神爵集已詔有司告祠上帝宗廟三
月辛丑鸞鳳又集長樂宮東闕中樹上飛下止地文章
五色留十餘刻吏民並觀屢蒙嘉瑞獲茲祉福書不云

金史卷一百一十二
卷一百一十二
乎雖休勿休祇事不怠賜民爵牛酒帛

先是鳳凰五至因以改元甘

露二年正月詔曰迺者鳳凰甘露降集黃龍登興醴泉

滂流枯槁榮茂神光並見其赦天下三年二月詔曰迺

者鳳凰集新蔡羣鳥四面行列皆向鳳凰立以萬數其

賜汝南太守帛黃龍元年二月黃龍見廣漢郡因改元

應劭曰先是黃龍見新豐

又師古曰於此五載矣

光武紀中元元年夏羣臣

奏宣帝每有嘉瑞輒以改元神爵五鳳甘露黃龍列為

年紀感致神祇表章德信是以致升平稱中興 選兩

都賦序武宣之世衆庶說豫福應尤盛白麟赤鴈芝房
寶鼎之歌薦於郊廟神爵五鳳甘露黃龍之瑞以為年
紀 王褒講德論今海內樂業朝廷淑清天符既章人
瑞又明 魏相傳或有風雨災變郡不上相輒奏言之

漢光武受命符 赤伏符 赤制 會昌符

見封

禪

紀建武元年夏四月行至鄗

火各切

光武先在長安時同

舍生彊華自關中奉赤伏符曰劉秀發兵捕不道四夷

雲集龍鬪野四七之際火為主

四七二十八也自高祖至先武初起合二百二

十八年即四七也漢火德故云為主也

羣臣因復奏曰受命之符人應為

大謂彊華奉萬里合信不議同情光武於是命有司設赤伏符也

壇場於鄩南千秋亭五成陌六月己未即皇帝位大赦天

下改鄩為高邑祝文曰讖記曰卯金修德為天子初王

莽末天下旱蝗黃金一斤易粟一斛至是野穀旅生寄旅

也不因播種而生故曰旅今字書作稽音呂古字通

麻菽尤盛野蠶成繭被於山

阜人收其利焉

事見建武二年十二月

建武五年野穀漸少田畝

益廣馬十二年夏甘露降南行唐縣名屬常山郡今恒州縣六月黃

龍見東阿今濟州縣十三年九月日南徼外蠻夷獻白雉白

兔日南郡屬交州十七年冬十月有五鳳凰見於潁川之邾縣

邾今汝州邾城縣是也東觀記曰鳳高八尺五采羣鳥並從行列蓋地數頃停十七日三十一年

陳留雨穀形如稗實稗草之似穀者中元元年夏京師醴泉涌

出尚書中候曰俊人在宮則醴泉出飲之者痼疾皆愈惟眇蹇者不瘳

又有赤草生於水涯赤草朱草也大戴禮曰朱草日生一葉至十五日後日落一葉周而

始復郡國頻上甘露羣臣奏言地祇靈應而朱草萌生云

今天下清寧靈物仍降陛下損挹推而不居宜令太史撰集以傳來世帝不納常自謙無德每郡國所上輒抑而不當故史官罕得紀焉范曄論曰光武生有赤光照室嘉禾一莖九穗因名秀方士言漢家當再受命或以貨泉為白水真人望氣者望見春陵郭曰氣佳哉舍南火光赫然屬天西門君惠李守等云劉秀當為天子其王者受命信有符乎贊曰光武誕命靈貺自甄靈慶既啓人謀咸贊於赫有命系隆我漢 王梁傳議選大司

空赤伏符曰王梁主衛作元武以梁為大司空 吳漢
傳與諸將奉圖書上尊號 祭祀志注東觀書曰上至
泰山有司復奏河雒圖記表章赤漢九世尤著明者前
後凡三十六事 蘇竟傳孔丘秘經為漢赤制 鄧鄠
傳漢歷久長孔為赤制注春秋感精符云孔子作緯為
漢家之制

漢永平祥瑞 朝堂上壽

明紀永平六年二月王雒山出寶鼎廬江太守獻之夏

四月甲子詔曰祥瑞之降以應有德方今政化多僻何

以致茲易曰鼎象三公宣公卿奉職得其理邪太常其

以禘祭之日

夏祭曰禘音藥禘薄也夏物未成祭尚薄

陳鼎於廟以備器用

賜三公帛五十匹九卿二千石半之九年大有年

十二年歲

比登稔百姓殷富粟斛三十牛羊被野

十年四月戊子詔曰昔歲五穀登

衍今茲蠶麥善收十一年漢湖出黃金廬江太守以獻

漢湖湖名音子小反今廬州合肥縣東南

時麒麟白雉醴泉嘉禾所在出焉

十七年春正月甘露降於泉陵是歲甘露仍降樹枝

內附

謂木連理也

芝草生殿前神爵五色翔集京師西南夷

哀牢僭耳焦僥槃木白狼動黏諸種前後慕義貢獻西

域諸國遣子入侍夏五月戊子公卿百官以帝威德懷

遠祥物顯應乃並集朝堂奉觴上壽制曰天生神物以

應王者遠人慕化實由有德朕以虛薄何以享斯惟萬

祖光武聖德所被不敢有辭其敬舉觴太常擇吉日策

告宗廟其賜天下男子爵人二級三老孝悌力田人三

級郎從官視事十歲以上帛十匹章紀有司奏言孝

明澤臻四表遠人慕化焦僥儻耳款塞自至克伐鬼方
開道西域威靈廣被無思不服 張奮傳永平十年僭
耳降附奮來朝上壽引見宣平殿 班固寶鼎白雉詩
賈逵傳永平中作神爵頌

漢章帝郡國符瑞

紀建初三年零陵獻芝草四年甘露降泉陵洮陽二縣
二縣屬零陵郡五年零陵獻芝草有八黃龍見於泉陵

伏候古
今注曰

見零陵泉陵湘水中相與戲其二
大如馬有角六枚大如駒無角 七年冬十月癸丑巡

狩幸長安進幸槐里岐山得銅器形似酒樽獻之又獲

白鹿元和元年正月日南徼外蠻夷獻生犀白雉

犀毛如豕

疏有三甲頭如馬有三角鼻上角短額上頭上角長

元和二年二月己未鳳凰集

肥城

肥城屬泰山郡

辛未幸太山柴告岱宗有黃鵠三十從西

南來經祠壇上東南過於宮室翺翔升降夏四月乙卯

車駕還宮五月戊申詔曰乃者鳳凰黃龍鸞鳥比集七

郡孫柔之瑞圖曰鸞鳥赤神之精鳳凰之佐鷄身赤毛赤色亦被五采鳴中五音人君進退有度親疎有序

則至也或一郡再見及白鳥神爵甘露屢臻祖宗舊事

或頒恩施其賜天下吏爵三級高年鰥寡孤獨帛人一

疋河南女子百戶牛酒令天下大酺五日賜公卿以下

錢帛各有差九月壬辰詔鳳凰黃龍所見亭部無出二

年祖賦

東觀記曰鳳凰見肥城勾霖亭槐樹上古
今注云黃龍見洛陽元延亭部霖音廩加賜

男子爵人二級先見者帛二十匹近者三匹太守三十

疋令長十五匹丞尉半之詩云雖無德與汝式歌且舞

它如賜爵故事章和元年七月壬戌詔曰朕聞明德之

君啓迪洪化緝熙康乂光照六幽訖惟人面靡不率俾

仁鳳翔於海表威霆行於鬼區然後敬恭明祀膺五福
之慶獲來儀之貺乃者鳳凰仍集麒麟並臻甘露宵降
嘉穀滋生芝草之類歲月不絕朕夙夜祇畏上無以彰
於先功其改元和四年為章和元年論曰在位十三年
郡所上符瑞合圖書者數百千所 冊府元龜自元和
二年至章和元年凡三年麒麟五十一鳳凰百三十九
黃龍四十四青龍白龍神鳥神馬白虎二十九白燕白
兔赤烏三足烏白雀九尾狐木連理嘉禾華平朱草芝

英白雉並見郡國帝在位十三年郡國所上符瑞合於

圖書者數百千所 賈逵傳注東觀記云章帝時鳳凰

見百三十九麒麟五十二白虎二十九黃龍三十四神

雀白燕史官不可勝紀 藝文類聚東觀記又有青龍

黃鵠鸞鳥神馬九尾狐三足烏赤烏白兔白鹿甘露嘉

瓜秬秠明珠芝英華平朱草木連理日月不絕載於史

官不可勝紀 云元和二年 班固典引曰來儀集羽族於觀魏

肉角馴毛宗於外囿擾緇文皓質於郊升黃暉采鱗於

沼甘露宵零於豐草三足軒翥於茂樹若乃嘉穀靈草
竒獸神禽應圖合謀窮祥極瑞者朝夕坳牧日月邦畿
卓犖乎方州洋溢乎要荒曹褒傳詔曰鸞鳳仍集麟
龍並臻甘露宵降嘉穀滋生赤草紀於史官論衡八
龍並出十一芝累生甘露流五縣楊終贊頌嘉瑞十
五章和紀前後符瑞八十一所自稱德薄抑而不宣
宋志和帝在位十七年郡國言瑞應八十餘品安紀元初三年正月東平陸
上言木連理注序例曰凡瑞應自和帝以上政事多美

近於有實故書見於某處自安帝以下王道衰缺容或
虛設故書某處上言也

漢瑞圖

班固傳白雉詩啓靈篇兮披瑞圖

前志芝房歌披圖采
謀典引應圖合謀

東京賦總集瑞命備致嘉祥園林氏之騶虞擾澤馬
與騰黃鳴女牀之鸞鳥舞丹穴之鳳凰植華平於春圃

瑞木豐朱草於中唐

漢太平之瑞

論衡恢國篇堯母感赤龍禹母吞薏苡將生得玄圭契母咽
燕子湯起白狼銜鉤后稷母履大人之跡文王起得赤雀武
王得魚鳥皆不及漢太平之瑞黃帝堯舜鳳凰一至凡諸衆
瑞重至者希漢文帝黃龍玉牯武帝黃龍麒麟連木宣帝鳳
凰五至麒麟神雀甘露醴泉黃龍神光平帝白雉黑雉孝明
麒麟神雀甘露醴泉白雉黑雉芝草連木嘉禾與宣帝同奇
有神鼎黃金之怪一代之瑞累仍不絕今上嗣位章元二之
間嘉德布流三年零陵生芝草五本四年甘露降五縣五年

芝復生六年黃龍見大小凡八前世龍見不雙芝生無二甘露一降而今八龍並出十二芝累生甘露流五縣

魏溫室百瑞圖

見贊類 劉劭有嘉瑞賦

魏祥瑞

魏都賦德連木理仁挺芝草皓獸育藪丹魚生沼商雲翔龍澤馬於阜山圖其石川形其寶莫黑匪烏三趾而來儀莫赤匪狐九尾而自擾嘉穎離合以尊尊醴泉涌

流而浩浩河洛開臬符命用出翩翩黃鳥銜書來訊

晉祥瑞

紀武帝泰始元年十二月武帝初受禪禁樂府靡麗百戲之役及雕文游畋之具開直言之路置諫官以掌之是月鳳凰六青龍三白龍二麒麟各一見於郡國二年鳳凰六青龍十黃龍九麒麟各一見於郡國三年正月癸丑白龍二見於弘農澠池五年正月丙申黃龍二見於滎陽二月辛巳白龍二見於趙國五月辛卯朔鳳凰

將九雉見於豐城十一月復見豐城衆鳥隨之六年夏
四月白龍二見於東莞咸寧二年六月白龍二見於新
興井中十一月白龍二見於梁國五年二月甲午白麟
見於平原九月甲午麟見於河南太康元年正月己丑
朔五色氣貫日四月白麟見於頓丘八月白龍三見於
永昌三年閏四月癸丑白龍二見於濟南五年正月己
亥青龍二見於武庫井中六年八月白龍見於京兆九
年十二月戊申青龍黃龍各一見於魯 元帝為丞相

大都督出師移檄進討於時有玉冊見於臨安白玉麒麟神璽出於江寧其文曰長壽萬年日有重暈皆以為中興之象焉 王廙傳元帝即位奏中興賦上疏曰陛下誕育之日光明映室白毫生於額之左相者謂當王有四海壬申歲七月四星聚於牽牛又鄱陽郡有枯樟更生臣還京師見白兔命臣作賦琅琊郡又獻甘露命臣嘗之晉陵有金鐸之瑞郭璞云必致中興明天之厯數在陛下矣 永嘉中歲鎮熒惑太白聚牛女之間

齊瑞應圖

南齊祥瑞志 流火赤雀實紀周祚雕雲素靈發祥漢氏
光武中興皇符為盛魏膺當塗之識晉有石瑞之文齊
黃門郎蘇侶撰聖皇瑞命記

卷一

永明中庾溫撰瑞應圖

陳符瑞圖

又見上 書目符瑞圖二卷陳顧野王撰初世傳瑞應
圖一篇云周公所製魏晉間孫氏熊氏合之為三篇所
載叢舛野王去其重複益采圖緯起三代止梁武帝大

同中凡四百八十二目時有援摺以為注釋 瑞應圖
十卷載天地瑞應諸物以類分門或題王昌齡撰又云
孫柔之 瑞錄十卷慶厯中楊冢得此本於鍾陵分記
天地人等瑞事 瑞應雜錄十卷至和中胥餘慶采諸
書以類次 稽瑞一卷劉賡傳考圖史符瑞為駢儷韻
語而注其所出 韓愈奏汴州得嘉禾狀按符瑞圖德
至地則嘉禾生

唐高祖祥瑞

紀武德五年四月梁州野蠶成繭 會要武德元年七

月新豐鸚鵡谷水清七年閏七月長安古城鹽渠水生
鹽色紅白八年三月赤雀巢於殿門九年四月甘露降
中華殿之桐樹二月蒲州河清

唐太宗祥瑞

志貞觀十七年八月涼州昌松縣鴻池谷有五石清質
白文成字太宗遣使祭之曰天有承命表瑞貞石旣旌
高廟之業又錫眇躬之祚迨于皇子治亦降貞符具紀

姓氏甫惟寡薄彌增寅懼會要貞觀十二年六月六日滁州言野蠶成繭徧於山阜至十三年野蠶又食櫛葉成繭大如柰色綠凡收六千五百七十石至十四年又收八千三百石十四年二月十四日陝州刺史房仁裕奏所管界內二百餘里正月元日河水變清四日乃止十六年四月二日皇太子初立有雄雉飛集東宮明德殿前上問褚遂良是何祥也遂良對曰昔秦文公時有童子化為雉雌者鳴於陳倉雄者鳴於南陽童子言

得雌者霸文公遂以為寶鷄祠漢光武得雄遂起南陽
而有四海陛下舊封秦王故雄雉見於秦地所以彰表
明德也上大悅曰立身之道不可無學十七年九月皇
太子寢室中產素芝十四莖並為龍鳳形十八年十月
八日山南獻木連理交錯玲瓏有同羅目一丈之幹并
枝者二十餘所司徒長孫無忌曰自頃嘉祥雜遝陛下
推而不居遂令史臣閣筆無以示後因相率賀帝曰瑞
應之來朕當苦心勞力以答天地何煩致賀二十一年

八月十七日骨利幹遣使朝貢獻良馬百匹其中十匹
尤駿太宗各為制名乃叙其事曰噴沫則千里飛紅流
汗則三條振血塵不及起影不暇生二十年十一月汾
州言青龍白龍見白龍吐物初在空中有光如火至地
陷入地二尺掘之得玄金也二十一年正月玉華宮李
樹連理隔澗合枝 貞觀中罽賓國獻名馬貞觀四年
二月陝州秦州河清十六年正月懷州河清十七年二
月鄭州河清二十三年四月靈州河清 高祖冊文

翠鳳棲梧丹魚在藻水浮元貝階榮朱草要荒合軌鞮
羯遐通沒羽沉浪飛輪駕風 太宗冊文龍鄉委貢鳥
服來儀文龜浮沼應龍在淀滴露飛甘卿雲呈絢 太
宗頌東池溟渤西苑嵎丘至德潛洽元化滂流先天不
違靈物效質丹羽儀韶翠黃承轡甘露零草祥風應律
嘉禾醴泉此馬自出 顏師古聖德頌勿用枹鼓無虞
亭障賫納鮫人朔班狼望至誠感慶休氣致祥馴擾一
角棲集五章華平挺幹朱草曜芒良耜畷多稔穰穰

國儲億庾家登萬箱 政要貞觀六年符瑞日至請封
禪魏徵以為不可曰符瑞雖臻而爵羅猶密二年太宗
謂侍臣曰比見衆議以祥瑞為盛事頻有賀表如朕本
心但使天下太平家給人足雖無祥瑞亦可比德堯舜
昔堯舜在百姓敬之如天地愛之如父母動作興事
人皆樂之發號施令人皆悅之此大祥瑞也諸州祥瑞
並不用申奏 述聖賦瑞草奇色祥木嘉名交九衢而
結影分四照以開榮 憲宗即位八月庚戌詔曰所寶

惟賢至如嘉禾神芝奇禽異獸蓋王化之虛美光武形於詔令春秋不書祥瑞自今不得上聞元和二年八月甲戌中書奏大瑞表聞中瑞下瑞申有司元日奏瑞依今式 開元禮正至朝賀給事中以祥瑞按俟於左延明門外入詣東階下黃門侍郎跪奏祥瑞 元日奏瑞仲春告瑞太廟見張大隱傳 開成三年五月詔諸道有三等祥瑞不得奏

唐祥瑞錄

志雜傳記類魏徵十卷

崇文目十卷

隋志五行類瑞應圖

三卷

崇文目十卷
有稽瑞一卷

又瑞圖譜二卷祥瑞圖十一卷雜傳

祥瑞記三卷符瑞記十卷許善心撰

沈約宋書有
符瑞志三卷
嘉瑞

記三卷陸瓊撰

梁武敕陸雲公撰
嘉瑞記子瓊述其
旨而續焉自永定迄
至德成一家言

唐志雜家類顧野王符瑞圖十卷又祥瑞圖十卷侯宣

祥瑞圖八卷孫柔之瑞應圖記三卷熊理圖讚三卷

選注

引瑞應圖

後漢書注引孫柔之瑞
文苑鄭樵表引熊氏瑞應圖

武德元年六月

癸巳禁言符瑞者開元十三年九月丙戌罷奏祥瑞

德宗大曆十四年閏五月丙戌憲宗元和元年八月庚戌罷獻祥瑞文宗開成元年五月乙亥詔諸道有瑞皆無得以聞元日受朝奏祥瑞皆停 孫朴瑞箴曰妖至而防瑞至而狂恃物滅德未或不亡 柳宗元傳著書一篇號貞符言唐家正德受命於生人之意曰仲尼書叙於堯曰克明俊德於舜曰濬哲文明於禹曰文命祗承于帝於湯曰克寬克仁於武王曰有道曾孫惟茲德實受命之符後之好怪之徒乃始陳大電大虹玄鳥巨

跡白狼白魚流火之烏以為符受命不於天子其人休
符不于祥于其仁商之王以桑穀昌以雉雒大宋之君

以法星壽鄭以龍哀魯以麟弱白雉亡漢黃犀死莽惡
在其為符也

通鑑貞觀二年九月有白鵲巢於寢殿槐
上合歡如腰鼓上命毀其巢縱鵲於野外

唐上黨十九瑞圖 潞州瑞應圖 聖應圖 又見

啓聖
宮

會要開元十三年九月十三日丙戌潞州獻瑞應圖上謂

宰臣曰朕在潞州靖共職業不知此事今既固請編錄

可召藩僚問其實事然後修圖昔史官惟記災異將令王者修德故春秋不書祥瑞唯記有年聖人之意明矣

遂敕天下毋得奏祥瑞

紀開元十三年九月丙戌罷奏祥瑞

舊史記景

龍二年四月兼潞州別駕州境有黃龍昇天嘗出畋有紫雲在其上從後者望而得之前後符瑞凡一十九事

藝文志永王府長史陳宏書上黨十九瑞圖 紀開

元十一年正月庚辰次潞州以故第為飛龍宮地理

志上黨縣有啓聖宮本飛龍宮有瑞閣 張說潞州祥

瑞頌十九首日抱戴月重輪赤龍逐鹿嘉禾黃龍羊頭
山北童謠仙洞大王山三壘疑山鑿斷赤鯉黃龍再見
紫雲李連理神著金橋紫氣大人跡神人傳慶 潘炎
賦十四篇日抱戴月重輪赤龍據按潞河逐鹿嘉禾合
穗黃龍見童謠漳河赤鯉黃龍再見九月紫氣李樹連
理神著立金橋寢堂紫氣 玄宗初臨潞州景龍元年

四月二十七日日有抱戴八月十四夜月重輪二年四

月二十五日

一云十七日

廳事據案假寐白鶴觀道士見赤

龍在案五月二十八日帝馳鞭逐鹿潞河獲之八月二十五日長子縣嘉禾合穗九月五日黃龍見州城東又童謠曰羊頭山北作朝堂襄垣北有仙洞忽開十數里魏望氣者言上黨山有天子氣故太武壘石為三封以厭之孝文見此山有伏龍遂斷山東麓以厭之因名疑山景龍三年三月漳水上有赤鯉騰躍六月十五日黃龍再見於伏牛山九月九日壺口山東北有紫雲光采照日延唐寺有李樹連理十五日將朝京師使術士韓

擬禮

一云韓禮

筮之卦未成一著翹立擬禮曰此天人之

瑞金橋在潞南二里有童謠云聖人執節度金橋十月

二十五日由此橋朝京師還京後州內所居寢堂上有

紫氣七日不散宅內及州衛有大人跡長二尺五寸唐

隆元年六月二十日夜除妖孽明日索崇嗣聞空中有

人云臨淄王誅韋氏相王得天下 張說述聖頌帝昔

居是邦也紫雲在天神光照室白鹿來擾黃龍上昇隴

出仙洞而神魚躍山開禪穴而靈鐘韻謠言合讖巨迹

引途嘉李傍連神著自起 將表潛龍之館勒啟聖之

圖 張九齡聖應圖贊曰陛下龍潛上黨或託類於雲

物或效靈於卜筮又以潞水之泓深山鹿之捷走馳騎

是獲厲流不濡非力可能以明或躍蓋天瑞非常之后

以決如神之策 冊文曰一著獻兆百靈翼聖躍馬截

流水不敢競潛龍變海池亦呈慶 大厯八年四月壬

申潞州工言玄宗十九瑞閣有白鶴來翔 杜悰對文

宗曰玄宗即位潞州奏十九瑞圖 名賢畫錄云江都

王畫潞州十九瑞應圖

唐二十一瑞

實錄開元二十一年十月左丞相蕭嵩率百寮奏曰所
司奏今年祥瑞祥風起日抱戴嘉禾秀芝草生甘露降
醴泉涌木連理瓜同蒂竹再生李成實馴鳩元鶴慈烏
鶴鵠寶鼎魚銘錢刀軌字等二十有一事臣聞惟德感
神惟祥祚聖祥風昭乎號令抱戴表以約忠嘉禾主以
同文芝草明於敬老甘露洒神靈之液醴泉發德澤之

滋草木秀其地靈羽毛呈其天瑞其餘山川異氣器用
殊姿舉而必然不可勝紀請宣付史官從之 舊紀元
和二年八月甲戌中書奏先停諸道奏祥瑞伏以所獻
祥瑞皆緣臘饗告廟元會奏聞令後諸大瑞隨表聞奏
中瑞下瑞申有司其元日奏祥瑞請依令式從之

唐三瑞 四瑞

志禮部掌祥瑞凡景雲慶雲為大瑞其名物六十有四
白狼赤兔為上瑞其名物三十有八蒼烏朱鴈為中瑞

其名物三十有二嘉禾芝草木連理為下瑞十名物十
四大瑞則百官詣闕奉賀餘瑞歲終員外郎以聞有司
告廟宗廟晨裸太廟令帥其屬陳瑞物大階之西上瑞
為前列次瑞次之下瑞後又陳伐國之寶器太常四院
一曰天府院藏瑞應及伐國所獲之寶帑裕則陳於廟
庭門下侍郎元日冬至奉天下祥瑞崔祐甫奏禮部式列三瑞開元
禮祭祀奠玉幣若宗廟裸之日太廟令帥屬陳瑞物泰
階之西上瑞為前列中瑞次之下瑞為後貞觀二年

全唐詩話卷之三
卷二百
九月丁未詔大瑞聽表聞諸瑞申所司

唐玉諫真紀

謝偃玉諫真紀云披丹霄而軒鵬翼架玄海而截鯨鱗
俯拔嵩華仰迴星漢流雕矢於日谷橫文劍於天外八
狄承風九夷請朔航海極琛梯山窮貝宿慧收芒朝雲
解陣階蕙晦落庭軼晨鮮

見封禪類

建隆三瑞頌

王著傳建康二年時亳州獻紫芝鄆州獲白兔隴州貢

黃鸚鵡著工頌曰庚申逮於辛酉休祥有三毫社紫芝
汝陽白兔隴右黃鸚鵡其芝也共本殊莖無根自植其
兔也明眸皓質厥性惟馴鸚鵡色稟中央狀殊同類毛
燦金絲舌傳人意不遠千里上達九重頌美羣臣升歌
清廟紫芝頌匪根其土匪葉於春樞電分彩天香降真
擢秀堯風飛英舜日在晦含華逢時顯質謹言獲進願
比用於芻蕘佞者難前詎爭芳於屈軼白兔頌精分建
卯瑞降玄穹玉肌瑩澈霜毛混同和氣內融奇形外皎

白為色也位列金方王者好義是告殊祥兔為獸馬名
載禮秩宗廟嚴裡俄呈異質黃鸚鵡頌金縷裁衣土惟
方以色正瓊簧轉舌人異類而言同著因以獻規太祖
嘉其言下詔褒之 汴都賦乾象表貺坤維薦祉靈物
仍降嘉生屢起穹龜負圖龍馬載文汾陰之鼎函德之
芝肉角之獸簫聲之禽同穎之禾旅生之穀游郊栖庭
光畦冒時非烟非雲簫索輪囷映帶乎闕角葱蔚乎城

壘

乾德瑞物旗 五瑞樂 四瑞樂 淳化五瑞

曲 見樂類

乾德六年親郊有司請製金鸚鵡建隆三年隴州獻之馴象玉兔

三旗

鄆州獻白兔馴象自來詳見旗類

紹興二十五年八月十七日

刑部郎許興古言靈芝生於廟楹瑞麥秀於留都宜如

漢齊房之歌製為樂章登歌郊廟詔學士院於圓壇景

靈宮太廟所奏樂章增製 淳熙六年九月三日詔明

堂免奏祥瑞上曰朕自有真祥瑞豐年是也 紹興二

十六年四月甲午詔諸路不得奏祥瑞上曰唯年豐可
以為瑞真賢可以為寶

太平興國瑞物六十三種圖

太平興國九年十月癸巳即雍熙元年十一月改元嵐州獻牝獸一

角如鹿無斑角端有肉性馴善人不能辨示羣臣參驗
以聞右散騎常侍徐鉉諫議大夫滕中正舍人王祐等
援引圖史以為祥麟上表曰按春秋麇身而有角者麟
也感精符云麟一角明海內共一主也公羊云上有聖

帝明王天下太平則至蓋聖君御天下一統之應也宰

相宋琪等表賀請宣付史館從之工因謂琪等曰珍禽

竒獸無濟於事非朕所尚方內大寧風俗淳厚

或云但時和歲

豐天下又安此為上瑞近年禽獸之異者所獻甚多止令畜

於園囿遂其生生之性不欲宣揚於外琪等奏曰禽獸

草木之異皆帝王德化所感而生前古以來無不編錄

今陛下謙而不有中外無由得知使一代簡書有所缺

漏欲望具錄瑞物名數圖寫宣付史館從之因請宣示

於外乙未內出瑞物六十三種

一本云他日又固請乃詔史官就後園圖寫付

宰相白鹿六

二真定府澤州貢四御苑所生

白兔十一

六嵐許潁秦鳳翔易等州貢五御苑

所生黑兔一

京兆府民進

紫兔一

沂州貢

白麋四

潁單州貢

白雉一

貢白鵲二

兗州貢

白鳩一

京西民進

紫鵲一

忠州進

白鶉一

易州進

白鸛一

越州貢

蒼鸛一

越州貢

白山鵲五

唐洋等州貢

綠山

鵲一

江陵府貢

紅山鵲一

貝州貢

白雀四

登德汝號等州貢

白鼠二

京西

民進紅雀一

德州貢

白戴勝三

潤乾等州貢

蒼鳥一

鄭州貢

白山鴉

一貢乾州赤鳥一

趙州貢

白鷹五

霸濮潞晉夏等州貢

白鷓鴣二

商坊

等州 白鶻一 夏州貢 赤鶻一 歸州貢 白鷄一 鳳翔府貢 白鸚鵡一

明州 白銅甯一 光州貢 青花山鶻一 房州貢 琪等拜表稱謝

請圖付史館詔從之於是羣臣獻歌詩賦頌稱美者甚衆

太平興國九年四月戊子宰相宋琪等請封禪曰離肩反踵之俗襲冠帶者以百數白環碧砮之貢充蠻鄙者以千計辛卯再表曰草木效祥盡入朱絃之奏羽毛薦

瑞皆登清廟之歌 三月丙辰遷楊延慶等十餘人為知州上謂宰相曰刺史之任最為親民

漢秦彭為潁川守教化盛行百姓懷惠乃有鳳麟嘉禾
甘露之瑞一太守善政猶若此况君天下者乎何謂太
平不可致和
氣不可召也
雍熙二年閏九月己亥坊州獻一角獸

左右皆曰麟也上謂宰相曰時和歲豐兆民安泰此為
上瑞鳥獸草木夫何足云不必宣示中外四年十月丙
辰出益州所進九穗禾牛生三犢圖并六眸龜以示近
臣 淳化元年四月甲寅殿中丞直史館宋炎言皇帝
御極以來瑞牒昭著羽族之祥三十有七蹄角之瑞二
十有六草木之異雲露之應不可勝紀上謙遜不示外

請宣付史館書之簡策從之 樂志乾德四年十月
和峴言唐貞觀十四年景雲見河水清張文收采
古朱鴈天馬之義製景雲河清歌名曰讌樂元會
第二奏者是也今年荆南進甘露京兆果州進嘉
禾黃州進紫芝和州進綠毛龜黃州進白兔欲依
月律撰神龜甘露紫芝嘉禾玉兔五瑞各一曲朝會登
歌首奏之六年又言漢天馬赤鴈神鼎白麟並為郊歌
國朝合州進瑞木成文馴象由南方自至秦州獲白鳥

黃州獲白雀宜播管弦薦郊廟詔岷作瑞文馴象玉烏
皓雀四瑞樂章以備登歌太平興國九年嵐州獻祥麟
雍熙中蘇州貢白龜端拱初澶州河清廣州鳳凰集諸
州麥兩穗三穗者連歲來上有司請以此五瑞為祥麟
丹鳳河清白龜瑞麥之曲薦於朝會從之

祥符昭應宮祥瑞圖贊

兩朝祥瑞圖贊序

至道三年六月辛丑真宗詔諸道勿以珍禽奇獸祥瑞
來貢 景德四年十二月丁酉

同上 祥符五年十一月乙卯令諸州申明前

詔勿以珍禽
異獸為獻

祥符元年九月二十六日癸未直史館

張知白上言數年以來兵息穀稔順羣臣告成功詔命

纔行和氣充塞上動靈貺下契人心休應荐臻祥瑞填

委若書典策告宗廟因示常制未足盡其殊尤望以泰

山諸瑞按品目以第之命良工以續之一本藏祕閣傳

於不朽一本以備玉清昭應宮圖壁從之

張知白傳言咸平中河隍

未平臣請罷郡國所上祥瑞今天下無事靈貺並至望以泰山諸瑞圖玉清昭應宮其副藏祕閣

乃詔

丁謂及戚綸陳彭年編次二年十二月辛丑謂及翰林

學士李宗諤等上祥瑞圖百五十二召輔臣宗室從臣

三司使副已上觀之三年正月丁丑於朝堂示百官又

見

封禪類五年十二月丁亥謂等又上汾陰祥瑞圖百四十

八軸與東封所錄並繪於玉清昭應宮東西廡分命近

臣館閣官作贊惟天書周伯星贊上自為之又圖兩朝

所獲瑞物於二聖殿廡上作贊凡竒瑞二十三衆瑞一

百十三品祥符後數令從臣啓閱又以百官多言靈景

之異悉圖其狀置禁中晏殊兩朝祥瑞贊序二聖膺

運天人協贊符命沓臻三象騰暉五靈狎至露飴雲蔚
泉湧河清紛綸乎華芝茂衍乎嘉穀羽毛之族萬變呈
姿丹木之倫千名著異爰稽衆瑞列續殊庭乃詔羣臣
並為贊述凡二百四十四篇勒為五卷藏之冊府 祥
符間崔立言願敕有司草木之異雖大不錄水旱之變
雖小必間

祥符天書瑞圖 殊祥錄

祥符元年六月己亥天書至自泰山辛丑內出王欽若

所上天書再降瑞圖示百僚辛亥宰臣王旦言真謀降
於神房醴泉湧於陽址芝葩競秀雲旗交輝 三年正
月丁丑內出封禪三壇及祥瑞圖於朝堂示百官從中
丞王嗣宗之請也 六年二月丙寅御滋福殿召宗室
近臣觀聖祖降延恩殿及衆真列侍圖 真宗東封泰
山秘書丞錢易獻殊祥錄

祥符龍圖閣觀芝草圖 崇和殿觀瑞物

祥符二年五月丙寅召輔臣至龍圖閣觀芝草圖又至

宗和殿觀瑞物四百餘種王旦等進曰祖宗以來瑞命
叢集四方無不傳聞今獲親觀實為神異上曰蓋祖宗
積德所致四方寧謐以成封禪之禮有由然朕何力之
有又三年八月甲寅八日召近臣觀瑞物於宗和殿上作
七言詩從臣皆賦初觀瑞物史官見迥揚億曰望內降
名件付修國史院從之遂宴資政殿上作詩七言從臣皆
賦六年十一月召近臣於龍圖閣觀丁謂所獻芝草凡
三萬七千一百八本

甲寅丁謂自亳
州來朝獻之

十二月辛未列文

德殿庭宣示百官

祥符汾陰祥瑞圖 龍圖觀祥瑞圖 祥瑞論

祥符五年十二月二十四日丁亥編聯祥瑞所上汾陰
后土壇朝覲壇親奠西岳廟三圖及祥瑞圖百四十八
置龍圖閣下召宗室輔臣兩制刺史以上觀之六年二
月戊子召羣臣詣文德殿觀汾陰祥瑞圖 五年八月
丙午上謂近臣羣議及朝廷宗尚祥瑞躬親細務著祥
瑞勤政二論諭之丁謂請刻石國學 晏殊集有汾陰

祥瑞贊

祥符龍圖閣瑞物閣贊

六年正月御製賜王旦等

慶厯龍圖天章閣觀三朝瑞物

嘉祐附

三年九月丁卯三日召輔臣及知雜御史以上於天章閣

朝謁太祖太宗御容及觀瑞物既而問禦邊大畧十二月詔祥瑞毋得進獻聽申禮部四年五月乙亥撫州金谿生金山重三百二十四兩上之藏於龍圖閣瑞物庫

八年三月甲寅幸龍圖天章二閣召近臣宗室觀太宗

游藝集真宗澶州詩碑及三朝瑞物 嘉祐七年十二

月庚子召從臣觀天章閣三聖瑞物凡三十種觀畢宴

玉宸殿

實錄燕羣玉殿召宰臣琦賜一大卮又出名花令持歸

元豐六年十月

八日太常博士何洵直言冬至祀園丘陳異寶嘉

瑞於樂架之北東西詔可 宣和二年四月編瑞

應記成六年四月修祥應記成 宣和中獲鳥獸

草木之瑞凡十五種繪為太平睿覽圖一卷御撰

序文詩章各冠圖右

書目

昔姬有素雉朱鳥元柜

黃髮之事耳君臣動色左右相趣濟濟翼翼峨峨
如也蓋用昭明寅畏承聿懷之福答三靈之蕃祉
萬物皆天地之委和而瑞物又至和之所委也
書載歸禾詩詠鳴鳳芝房寶鼎升於樂府神爵
甘露標為年紀 羲有出河之圖黃有置壇之符
堯有赤文之籙舜有昭華之瑄禹有元龜之書湯
有白狼之鉤文有銜珪之異武有躍魚之祥皆疇

德而瑞聖也 敷以純風濯以清波連理映阜鳴

鳳棲柯 澤物九有化浮八瀛 東雲干呂南風

入絃 乾象表貺坤維薦祉 疊貺駢祥 百靈

效職四海夷波 海若扈畢陽侯洗兵 嘉貺雝

集 平慮植階朱草叢庭 羽族卉儀懷音革狀

章騰郡國閩數千百所之祥喜動公卿上於萬

斯年之壽繪在禁嚴契龍圖之瑞物播之雅頌參

乾德之樂章上天之載無聲所助者順諸福之

物畢至永孚於休 荆幡偃而弗用潢池肅而弗驚春

熙海涵義鬯仁洽 翔舞太和涵濡茂澤 集風翠萑

浴露朱英澤馬飛鏣山輿結轍 萬靈禋社三辰合慶

光圖掩謀 露壇凝紫河宮湛碧翠萑翻颺丹萸候

魄棲置木索里安戶逸積斂兵革天清地謐 道清金

鏡時和玉燭慶霄輪困德水清澈 冠堯佩舜 景星

出翼非雲入呂 六幕晏清百嘉楙育 赤文綠字候

日舒華龍檢芝泥浮河綯采 丹旣玉燭萸莢芝房

天瑞磊砢地符氛氳 天無蘊寶地有呈祥 天瑞降

地符升澤馬來器車出紫脫華朱英秀佞枝植厯草孽

雲潤星暉風揚月至江海呈象龜龍載文頽莖素毳并

柯共穗之瑞史不絕書棧山航海踰沙軼漠之貢府無

虛月 鈞陳太微星緯咸若崑崙渤澥濤波不驚 龜

負綈檢麟銜斗樞滴露飛甘卿雲呈絢 河色呈符山

聲告慶 浸仁沐義炤景飲醴 四神踐雪五老飛星

天剖神符地合靈契 荷天衢提地釐 甘露紛而

晨降景星宵而舒光 黑章擾囿赤字浮河 山祇吐
秘河靈孕寶 乾符坤珍超圖溢謀 超圖冠書窮靈
極祉 棲鳳凰於高梧宿麒麟於西園納雉僥之珍羽
受王母之白環 丹甌呈豐器車表德 海氣蒙晏河
光吐榮 烟雲蕭索而紛郁日月光華而淑清 南海
無波東風入律 黃銀挾彩紫玉攜英 象輿丹甌昭
華延喜之珍不求而自至 服絺衣以訓儉黜拱壁而
進道碧砮文鉞弗輸內府之貢珍禽皓獸罔充內闈之

玩齋宮省三服之費長楊罷周陸之侈王事不作無執
朴之謳木功不彫有翦茨之陋 有星而景有雲而卿
其光下垂遇物流形 河海夷晏風雲律呂 晷緯昭
應山瀆效靈 握河沈璧封山紀石邁三五而不追踐
八九之遙迹 白鳩丹鳥素魚斷蛇方斯茂矣 大夏
九真條支越裳之貢雜沓乎豪街合穗連理華平闔達
之秀充盈乎瑞謀 芝房寶鼎之歌歲登清廟沒羽浮
琛之貢日旅彤庭 史不絕書則甘醴歲滴華滋宵零

奔精標南而照老榮波醜曲以薦清溜文黃輝索鳥朱
英四肩九尾不可殫名象來致福則鬢首鑿耳之俗頭
飛鼻飲之鄉濮鉛倂卧之首長戴斗蠓蠃之名王解辯
削社踵係乎職方 白環銀甕之迹素雉金船之瑞

大紫洞而三辰接鬱蒼搖而萬歲聞 握天鏡受河圖
經非無瑞字也以訓玉而不以訓祥虞書輯瑞周官典
瑞注以瑞為符信而未始以為休祥同類之未止以嘉
名大有之年止以喜書至太史公方以白魚赤鳥為周

之符瑞亦不過以瑞為信



玉海卷二百

欽定四庫全書

子部
玉海卷二百二

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣程 澍

欽定四庫全書

玉海卷二百一

宋 王應麟 撰

辭學指南

辭學指南序

博學宏辭唐制也吏部選未滿者試文三篇賦詩中者

論

即授官韓退之謂所試文章亦禮部之類然名相如裴陸文人如劉柳皆繇此選制舉又有博學通議博通墳

典學兼流略辭擅文場辭殫文律辭標文苑手筆俊拔
下筆成章文學優贍文辭秀逸辭藻宏麗文辭清麗文
辭雅麗藻思清華文經邦國文藝優長文史兼優之名
皇朝紹聖初元取士純用經術五月中書言唐有辭藻
宏麗文章秀異之科皆以衆之所難勸率學者於是始

立宏辭科二年正月禮部立試格十條

章表賦頌箴銘
誠論露布檄書

序除詔誥赦勅不試又再立試格九條曰章表露布檄

書以上用頌箴銘誠諭序記

以上依古今體
亦許用四六

四題分兩

場歲一試之大觀四年五月以立法未詳改為辭學兼
茂科除去檄書增入制詔仍以四題為兩場內二篇以
歷代故事借擬為題餘以本朝故事或時事益質之古
以覘記覽之博參之今以觀翰墨之華宣和五年七月
職方員外郎陳磷奏歲試不無幸中乃有省闈附試之
詔繇是三歲一試紹興三年工部侍郎李擢請別立一
科七月詔以博學宏詞為名凡十二體曰制誥詔書表
露布檄箴銘記贊頌序古今雜出六題分為三場每場

一古一今三歲一試如舊制

先是唯有科第者許試至是不以有無出身皆許應

詔先以所業三卷

每題二篇

納禮部上之朝廷下中書後省

考其能者召試其取人以三等五年王舜石延慶首與
選嘉熙二年立辭學科以今題四篇分兩場行之三年
而廢景定二年復辭學科至四年而止今唯存博宏一
科蓋是科之設紹聖顯取華藻大觀淑尚淹該爰暨中
興程式始備科目雖襲唐舊而所試文則異矣朱文公
謂是科習諂誇大之辭競駢儷刻雕之巧當稍更文

體以深厚簡嚴為主然則學者必涵泳六經之文以培
其本云

編題

東萊先生曰編題只是經于兩漢唐書實錄內編初編
時須廣寧汎濫不可有遺失再取其體面者分門編入
再所編者並須覆誦不可一字遺忘所以兩次編者蓋
一次便分門則史書浩博難照顧又一次編則文字不
多易檢閱如宣室石渠公車敖倉之類出處最多只一

次編必不能盡記題目須預先半年皆合成誦臨試半年覆試庶幾於場屋中不忘

魏晉南北朝固不出題亦有相關處如作歷序則此數代歷皆當略說作書目序則王儉七志嘉則殿書卷皆當略說

凡作工夫須立定課程日日有常不可間斷日須誦文字一篇或

量力念半篇或二三百字編文字一卷或半卷須分兩冊一冊

編題一冊編語卷帙太多編六七板亦得作文字半篇或一篇熟看程文及

前輩文字各數首此其大畧也

縱使出入及賓客之類亦須量作少許念前人

夫百字編文字半板非謂寫半板但如節西漢半板作文字數句熟看程文及前輩文一首雖風雨不移

欲求

繁冗中不妨課程之術古人每言整暇二字蓋整則暇矣

西山先生曰始須將累舉程文熟讀要見如何命題用事如何作文既識梗概然後理會編題經史諸子悉用徧觀其間可以出題引用並隨手抄寫未須分門且從頭看凡可用者悉抄上冊如尚書則舜典望秩禋宗九官之類皆錄一書畢復理會一書以詳且精為先不可

少有遺缺經書中周禮題目最多官名皆可作歲制度

名物皆可為銘為記

周禮題目亦有不入編者蓋某別有節本故也

其次則禮

記外三經皆有之

惟易全無

工夫多在三禮

易詩春秋三經無題目外如尚

書周禮儀禮禮記三傳爾雅大戴禮皆有之

有題目處須參注疏次及國語

戰國策史記兩漢書荀悅袁宏漢紀三國志晉書

南北史少

題目然亦須涉獵過

隋書唐書唐朝諸帝實錄舊唐書通典唐六

典唐會要貞觀政要

五代史少題目然其中如李琪傳入閣本末司天考王朴律準等事

亦須編入

史記兩漢唐史題目最多制詰時事尤為緊要正史之外漢有荀表紀唐有會要六典韋氏兩京

新記集賢注記舊唐史皆合參會抄錄温公通鑑亦可
證年月考異最佳晉隋皆有題目南北史雖未必可出

題然須畧知本末可以引用
露布檄書亦多不可不編

本朝諸帝實錄

太祖太宗
真宗仁宗

四朝事尤當精考高宗孝宗
國史諸志會要中典會要

本朝題目須是盛德大業

禮樂文物崇儒右文等事方可出

不必
汎記

于書則孟荀揚

管淮南孔叢家語莊列文墨韓非子華亢倉文中鸞劉

諸子汲冢周書呂氏春秋賈誼新書說苑新序兵書則

六韜司馬法孫吳尉繚李靖問對皆有題目須涉獵抄

節集則文選文粹韓柳文文苑英華古文苑皇朝文鑑

雖無甚題然可以引用處亦合編錄皆當徧閱搜尋如
前法編類不可缺畧俟諸書悉已抄過然後分為門目

天文 律歷 渾儀 圭景 漏刻 地理

郡國 戶口 版圖 宮殿 堂室 省臺

館閣 寺監 邸院 苑囿 樓觀 門闕

池沼 城 邊城 河渠 田制 營屯

貢賦 鹽鐵 錢幣 倉庾 府庫 會計

漕運 儀禮 郊丘 明堂 辟雍 靈臺

封禪 迎氣 朝日 夕月 星祠 山川

高禩 雩禜 社稷 羣祀 祠官 祠壇

耜田 先農 觀稼 親蠶 大射 視學

養老 朝會 宴享 冊禮 上壽 行幸

車輿 冕服 儀衛 旂常 鼎彝 祭器

寶玉 環佩 笏帶 符節 印璽 賜物

招諫 儆戒 屏障 音樂 樂曲 樂器

樂舞 夷樂 官制 官名 祿秩 封爵

學校科目
銓選
薦舉
考課
兵制

兵書
陣法
蒐狩
符籍
馬政
兵車

兵器
弓矢
軍賦
刑法
律令
赦宥

圖籍
帝學
經筵
御製
宸翰
詔令

易書
詩
禮
春秋
論語
孝經

小學
儒臣經解
臣下承詔撰述

百家雜著
正史
實錄
記注
編年

政要寶訓
譜牒
典故
奏疏
總集文章

書目 類書 祥瑞 夷狄朝貢 錫予外夷

兵捷 紀功 露布 檄書

右分為數十門先理會一門竟然後以次編纂謂如歷法則凡經史百家所載歷事悉萃為一處而以年代先後為次第如黃帝歷為先顓帝歷次之夏殷周魯歷又次之漢歷至唐歷又次之本朝歷又次之它可類推初編不厭其詳俟成編旋加刪削凡題目有數出處者須合為一如高祖五星聚東井

紀五行志張耳傳叙傳後魏崔浩高允傳纔缺

一處便不可而抄類之中復要認得出處端的如東井則本紀為正它皆旁出又如編漢太初歷題凡兩漢紀志所載太初歷事晉隋諸志及後來人評論太初歷事皆當萃為一處仍須認一出處以武帝紀太初元年五月為正餘皆旁出舉此一題他倣此凡編題目須其上可著朝代字如夏如殷如周方可作題出且如曲禮所載德車結旌德車二字豈不是題目然曲禮非純是周制不可加周字則不可以為題但當收入漢德車類以

為引援之用若徒知曲禮德車不可為題而略之或出漢德車題不知援曲禮亦不可也舉此一事他皆可以類推矣

有出處止數句而事散見諸處如漢太初官名建武封功臣之類是也編題之初徧加搜尋不可缺遺

歲題如周陶正左傳銘題如漢瓚槃周禮注只三兩字最易

漏須著眼力搜求摘其名之雅者錄為一帙要緊切工夫却用於衆家本子所無者用心且如瓚槃車服制度

古本何曾有之今所謂長樂未央宮之類皆不必十分熟記年月數目亦無害

編題用工數年雖不能全無缺遺然大概備矣兼其間亦有編類得法者頗多試以正文比對方知其不草草

非止制舉天祿閣數題而已

所編題苑再加工檢點諸經子史采括無復遺矣今

去試日已無多某所記已及五七分將來不患忘出處但患作文之工少以此敵它人不去耳難題見作括

子記頗有條理第恐紫宸殿正出處只如此若李石傳

場屋倉卒易於道忘

所載之事不佳故刪去之亦如延英殿出處亦多若宋

申錫等傳所載皆非善事故不錄大抵宮殿題目出處
多者當以事體重者為主如宣室只是賈誼傳刑法志
東方朔傳為急如何武等傳不用可也洛陽宮當以地

理志為急如張元素皇甫德參之諫畧之亦可也若汎

然記汎然用適以害大體也唐中華殿出令狐德棻傳延嘉樓

出夷狄傳思政殿出段文昌傳然不可出題若此可為題則

漢顯德殿嘉德殿宣平殿之類皆可為題矣魯壺出處
有葬后之事不佳難為出但合入周分物門漢校書郎

見寶章揚終諸傳但止一校書官亦難作箴如五門三朝曩者不曾看疏故有缺畧今已修正矣

所業題目已擬定但未有制表題如記序只是出眼前

題益好題可惜

與玉器之珎書 平齋洪公曰好題須討論纂組庶幾得用如唐十道山川貢

賦若非先整比縱使場屋將唐書一部去如何成文漢振旅還京師若非參合諸傳則獨有本紀山東數語豈無遺事 揀好題畧記端緒

陳國正

晦

云乾元殿四部書百官志乃正出處使藝文

志為正非是永平車服制度紀中恣極耳目乃正出處

東平王傳及輿服志注但可引用而已此說良當一時

取予益未必可憑

與王器之書又曰東觀事始來教謂元和中自有之編尋皆不見唯五行

志注建初中有東觀事耳周七律他無出處只見淮南子舜五絃琴注有之周九畿藉只是司馬他無所考漢

衛尉八屯出張衡賦與元帝紀司馬門注與城門校尉八屯不同唐著作院只是藝文志一出處黃帝李法周

木鐸漢十三家易及賜民爵禮日成山已續編入題矣漢金鼓出郊祀歌廣成苑出馬融傳周封主莫只是翦

桐為主事否乞批教北宮歲月及光祿四科偶然遺之非不曾考究也隋書無題如經籍天文志已編入冊

矣此亦非急務但以作文為祀若記念則場屋彼此相參不患不記得實也

水心曰宏詞人世號選定兩制

李微之曰自紹聖至紹熙至宰執者十一人紹

熙後執
政三人

出題並不載出處如祖宗故事及時事未通曉者臨時

同巡捕官於簾前上請

禮部
榜

周禮音注當精考如五射襄尺音讓九卷巫咸讀為筮

陳時
徐鳳

周職錄出禹貢釋文周復舊域出王制注場中無知所
出者然出處皆曰周公恐不可止出周字

周禮注多引漢制如漢大樂律上計律百官朝會殿之

類

文籍卷帙不同者如崇文總目中興館閣書目當參考
隋杜正玄開皇十五年舉秀才試策高第左僕射楊素
志在試退正玄乃手題使擬司馬相如上林賦王褒聖
主得賢臣頌班固燕然山銘張載劍閣銘白鸚鵡賦曰
可至未時令就正玄及時並了素讀數徧大驚曰誠好
秀才正玄弟正藏十六年舉秀才時蘇威監選試擬賈
誼過秦論及尚書湯誓匠人歲連理木賦几賦弓銘應

時並就

此擬題試士之始也

錢文僖公曰學士備顧問司典誥於天下之書一有所不觀何以稱職

葛文康公日記問之博當如陶隱居恥一事不知記問之審又當如謝安不誤一事

作文法

東萊先生曰作文固欲多不甚致思則勞而無功不若每件精意作三兩篇謂如制文武宗室建節作帥各作

三兩篇其他詔表歲銘頌贊記序之類亦事事作三兩

篇

祭祀禮樂之類是也

皆須意勝語贍與人商榷便無遺恨則能

事畢矣

場中題目不過此數門但小有異處臨時竄易便可用勝於倉卒下筆者遠甚 題常則意新

意常則語新

初作文字須廣以示人不可恥人指摘疵病而

不將出益文字自看終有不覺處須賴他人指出

歐陽公曰

勤讀書而多為文自工世患作文少又懶讀每一篇出即求過人如此鮮有至者疵病不必待人指摘多作自

能見凡作四六須聲律協和若語工而不安不若少工而

瀏亮

上句有好語而下句偏枯絕不相類不若兩句俱用常語 古人文字有語似不連屬而意實相貫

程文切不可如此野處洪公曰四六宜警策精切謝景思曰四六之工在於裁翦若全句對全句何以見工
一以經語對經語史語對史語方妥帖

李漢老曰為文之法有筆力有筆路筆力到二十歲便定後來長進只就上面添得些子筆路則常拈弄時轉

開拓不拈弄便荒廢

王平甫曰文章格調須是官樣

杜牧之曰文以意為主氣為輔以詞采為兵衛

陸士衡曰怵他人之我先韓退之曰唯陳言之務去

李文饒曰譬諸日月雖終古常見而光景常新

朱文公曰古人作文多摹倣前人學之既久自然純熟
韓柳荅李翊韋中立書可見其用力處

歐陽公曰為文有三多看多做多商量多

鶴山曰辭根於氣氣命於

志志立於學

西山先生曰凡作文之法見行程文可為體式須多讀
古文則筆端自然可觀 十二體所急者制表記序箴

銘贊頌八者而已若詔誥則罕曾出題檄露布又軍興

方用皆尚可緩

平齋洪公曰制表如科舉之本經所闕尤重隆興元年陳自修試頌及露布

冠絕一場偶表制
中有疵因不取

西山先生問傅公景仁以作文之法傅公曰長褒善舞
多財善賈子歸取古人書熟讀而精甄之則蔚乎其春
榮薰乎其蘭馥有日矣

初見陳國正

晦

呈漢金城屯田記甚喜其鋪叙之有倫

數蒙稱獎次呈漢著記序此篇不及前渠再三為指其
瑕疵令別作一篇凡四番再改方愜渠意又作紫微閣
贊呈之渠却無說只云讀古文未多終是文字體輕語

弱更多將古文涵泳方得渠論此科大要以善作文為本若記問須擇其要者不必泛然徒費工夫其要捷之

語甚多

與玉器之書
之云制表須多做

制文武宗室各請一題表賀謝及進書每體亦各請一題

攻媿樓公曰申錫赴宏辭多用奇字已在選中用倦欲字而有司以為犯廟諱嫌名而罷之

徐子儀試垂中以一字疑再試以一事疑

倪正父曰前人援引經語欲合律度截長為短避重就輕一字之間必加審訂

語忌

鄧潤甫撰龍興節祝壽詞用負黼宸憑玉几岑象求云非所當用以祝壽劉嗣明作皇子剃胎髮文用克長克君之語吏持以請曰內中讀文書最以語忌為嫌既尅長又尅君殆不可用也嗣明亟易之陳述古草明堂赦文用奉祠紫宮語犯俗嫌陳去非草朱勝非起復制用

方宅大憂言者以為事涉人君陳自明草右相制用昆
命元龜倪正父謂人臣不當用乞貼麻又腦詞用故國
之有世臣雖有孟子出處後來引用多以為不祥事宜
曰天生賢佐國有世臣便無瑕疵矣詞臣草貴妃制用
釐降二字侂胄制用聖之清聖之和皆犯公論蔡北海
草吳玠制云陸海神臯既夫秦川之利銅梁劍閣放言
蜀道之難辛炳奏玠方屏翰四川乃云既夫秦川之利
乞改正毋使遠方大將重以為忌遂改秦川為秦中德

壽宮慶典吳挺之客草賀表有揚命二字蘇熙之曰尊
揚未命此顧命中語奈何用之洪景盧紹興中作謝厯
日表一聯云神祇祖考既安樂於太平歲月日時又明
章於庶證乾道中外郡米取用之洪曰今光堯在德壽
所謂考者何哉張文潛謝表用我來自東彭汝霖謂表
用我字大無禮洪景盧草葉顛制曰無以我公歸兮大
慰瞻儀之望本意用公歸之句指邦人而言也故云瞻
儀而單時疑之謂人君而稱臣為我公楊文公於契丹

答書用隣壤交懼不免以字嫌又嘗戒門人為文宜避俗語既而公作表云德邁九皇門人鄭戩曰未審何時得賣生菜公笑而易之開禧用兵詔諭天下首聯云匹夫無不報之仇何具陋也劉炳草嘉王制用烝烝孝友之風言者謂烝烝之語何自而出始誦書者皆能知之命辭立意如是可乎汪彥章草赦書云八世祖宗之澤豈汝能忘一時社稷之憂非予獲已議者謂并道君數之不應曰祖宗信乎作文之難也

平齋洪氏曰古今萃於胸中造化運於筆下多讀多做
兩盡為勝

夏文莊曰美辭施於頌贊明文布於牋奏詔詰語重而
體宏歌詠言近而音遠

陸士衡曰謝朝華於已披啟夕秀於未振 銘博約而
溫潤歲頓挫而清壯頌優游以彬蔚 要辭約而理舉
故無取乎冗長 立片言以居要乃一篇之警策雖衆
辭之有條必待茲而效績

野處洪公曰文章有淵源有機杼有關鍵有本根

用其文如老農之用耒旦而溉中而芸深耕而熟耰之
吾文唐矣不兩漢若乎漢矣不三代若乎欲然自視未
能參於柳州吏部之奧則日引月長不至不止也

山谷黃公曰古之能為文章者真能陶冶萬物雖取古
人之陳言入於翰墨如靈丹一粒點鐵成金 如世巧
女文繡妙一世設欲作錦必得錦機乃能成錦

廖明畧曰四六須要古人好語換却陳言

朱文公曰作文自有穩字古之能文者纔用使用著

宋景

文云人之屬文有穩當字第初思之未至也

韓子蒼曰為科舉之文已畧倣依三代之體則他日遣言立意自當不愧於古人 魯連之檄過於長戟勁弓陸贄之詔賢於元勳宿將文之不可已也如是裴晉公不喜於平淮而喜於韓愈之碑李衛公不喜於平潞而喜於封敖之制非功之難能明其功之為難也

尹師魯曰文忌格弱字冗

李德裕文箴曰文之為物自然靈氣忽恍而來不思而至杼軸得之澹而無味琢刻藻繪彌不足貴如彼璞玉磨礪成器奢者為之錯以金翠美質既彫良寶斯棄

朱文公曰前輩文有氣骨故其文壯今人只是於枝葉上粉澤爾 後山攜所作謁南豐因留款語適欲作一

文字事多因託後山為之成數百言南豐云大畧也好只是冗字多後山請改竄南豐取筆抹數處每抹處連一兩行凡削去一二百字後山讀之則其意尤全因歎

服遂以為法

文心雕龍曰風骨乏采則鷲集翰林采乏風骨則雉竄
文囿若藻耀而高翔固文章鳴鳳也 鎔治經典之範

翔集子史之術洞曉情變曲昭文體然後能享甲新意
雕畫竒辭 才有天資學謹始習斲梓染絲功在初化

器成綵定難可翻移 情者文之經辭者理之緯 才

為盟主學為輔佐 善為文者富於萬篇貧於一字一

字非少相避為難也

曾文昭曰文才出於天分可省學問之半

西山先生曰傅公景仁以詞學進黃公鈞稱其文猶濯
錦於蜀江而虞雍公亦謂其璞玉而加琢也昔雲籠迷
初寮之文有曰幽眇透射若貫珠隙明麗整飭若截綺
尺棗於公文亦云

汪彥章謂傅自得曰今世綴文之士雖多往往昧於體
製獨吾子為得之不懈則古人可及也

趙茂實曰南塘謂自六經左氏國語外至西漢而止又
說某料子不曾雜晉唐而下草料

王景文曰文章根本皆在六經非惟義理也而機杼物
采規模制度無不具備者張安國出考古圖其品百二
十有八曰是當為記於經乎何取景文曰宜用顧命游
廬山訖事將衰所歷序之曰何以景文曰當用禹貢

誦書

東萊先生曰先擇史記漢書文選韓柳歐蘇曾子固王介甫

陳無已張文潛文雖不能徧讀且擇其易見世人所愛者誦

之先讀秦漢韓柳歐曾文字以養根本 四六且看

歐王東坡三集

總類近試半年旋看可也為學須是一鼓作氣才有間斷所謂再而衰也

四六當看王荆公岐公汪彥章王履道擇而誦之夏英
公元厚之東坡亦擇其近今體者誦之如孫仲益翟公
巽之類當節

當擇總類佳者誦之不必太求備

制

滕康
滕庾

曹中
沈介

陸韶之
湯思退

王俊
王暉

范同
洪邁

周麟之

王端朝

莫濟

詔

羅疇
石恣

吳玆
高茂華

晁詠之
詹叔義

王雲

表

羅疇高麗修貢
吳茲實錄成賜宴

林虞都城記
謝黻老人星

晁詠之程量皇子謝生日禮物

滕康野蠶成繭
劉才邵宣德樓上梁文

俞授能謝賜御製冬祀慶成詩

袁植燕山進士謝及第
洪遵代樞密使謝玉帶

洪邁代守臣謝御書周易尚書

祝天輔賀慶雲見
葉謙亨五色雀瑞麥芝草

王端朝慶雲瑞粟野蠶繭

周必大交趾進馴象

箴

劉才邵歐陽球石延慶宣室
周麟之上林清臺

銘

羅疇教器
王雲玉磬

謝黻鏤文紅管筆
滕康漢宣德殿馬式

詹叔義漢輔渠

洪遵洪适克敵弓

周麟之黃帝景鐘

莫冲漢瑄玉

王端朝漢芝車

記

吳茲籍田
丘廊思文殿

吳玕元豐尚書省
葛勝仲御飛白書玉堂

晁詠之宗子學
孫覲唐學士院

王雲重修秘閣
胡交修唐洛陽宮

陸韶之王俊龍德太一宮
詹叔羲漢城長安

洪遵唐勤政務本樓

湯思退唐凝暉閣渾天儀
莫冲唐慶善宮

王端朝莫濟咸平五經圖

贊

石延慶御書無逸圖
湯思退王暉洪邁漢麟趾裏蹠

王端朝莫濟漢寶鼎神策

頌

劉弇紹聖元會
丘廊大河復東流

吳玕北郊慶成
葛勝仲端誠殿芝草

晁詠之程量展事郊丘孫覲黃帝封泰山
張守漢神魚舞河陸韶之王俊漢三雍

洪遵沈介周成王蒐岐陽
湯思退洪邁明道措田莫冲葉謙亨皇祐大安樂

序

歐陽瓌唐開元禮
王鉉統元歷

謝敞御書孝經
周麟之唐通典

莫冲漢石渠議奏
王端朝莫濟漢靈臺十二門詩

西山先生曰詩書左氏西漢最宜精熟其他各有篇數

國語

柳子厚曰參之國語以博其趣又與楊誨
之書云用莊子國語文字太多反累正氣

宣王不籍千畝

定王殺烝

單襄公過陳

景王將鑄無射

宣公夏濫泗淵

桓公問成民之事如何

晉文公元年屬百官

悼公朝于武宮

使宣子佐下軍

晉卿不若楚

靈公為童華之臺

左史倚相廷見申公

吳王昏乃戒令

古書之文非可簡擇獨取此數段者非以其叙事可法則以其間多可用之辭然人所見不同更自為決擇可

也

古文中如左傳國語西漢文最為緊切其次則選粹及韓柳等文

文選

班張兩都二京賦

左太冲三都賦

司馬相如揚雄潘岳諸賦

屈平九歌

枚叔七發

曹子建七啟

張景陽七命

潘子茂九錫文

王元長任彥升策秀才文

司馬長卿喻巴蜀檄

難蜀父老文

東方朔荅客難

揚子雲解嘲

班孟堅賓戲

顏延年王元長曲水詩序

王子淵賢臣頌

揚子雲劇秦美新

班孟堅典引

張茂先女史箴

班孟堅封燕然山銘

張孟陽劍閣銘

陸佐公石闕刻漏二銘

古文苑

班固北征頌

泗水亭碑銘

馮衍傳毅李尤蔡邕王粲諸銘

揚雄胡廣百官箴

樊毅修西嶽廟記

邯鄲淳曹娥碑

韓文

朱文公曰今人於韓文知其力去陳言之為工而不知其文從字順之為貴

元和聖德詩

平淮西碑

鄆州溪堂詩

南海神廟碑

田弘正先廟碑

柳文

平淮夷雅

鏡歌鼓吹曲

貞符

晉問

興州江運記

嶺南饗軍堂記

永州萬石亭記

終南山祠堂碑

饒娥碑

武岡銘

劍門銘

如唐文粹李華含元殿賦杜甫三賦白居易續虞人
箴之類本朝文鑑石介宋頌慶厯聖德詩之類皆當
擇其文體似此科者類為一帙熟觀

西山先生習此科繙閱古今書口不輟吟筆不停綴與
王器之書曰某於此甚留心獨恨吏事所纏不得專心
致意僅得數刻之暇為讀書作文計所幸編題記念漸
已十七八稍可自慰

合誦

書 詩 左氏傳 國語 史記 西漢書

兩漢詔令 文選 文粹 文鑑 宏辭總類

大詔令 中興玉堂集制草續制草 韓文 柳文

歐文 東坡文 樂城文 南豐文 荆公文

曾文昭文 後山文 宛丘文 淮海文 華陽

文 初寮文 龍溪文 夏文莊文 元章簡文

北海文 翟忠惠文 孫仲益文 平園文 三

洪制藁 東萊進卷

朱文公曰讀書須成誦方精熟

又曰熟讀漢書韓柳文不到不能作文章歐公

東坡皆於經術本領上用功 誦書宜舒緩不迫字字分明 取孟韓子班馬書熟讀之及歐曾老蘇文字亦

當細考乃見為文用力處 東坡曰博觀而約取厚積而薄發 山谷曰須要心地收汗馬之功讀書乃有味

蘇明允曰取古人之文讀之始覺其出言用意與己大異介然端坐終日以讀之及其久也讀之益精而胸中豁然以明然猶未敢自出其言也時既久胸中之言日益多試出而書之已而再三讀之渾渾乎覺其來之易

矣

昌黎曰用功深者其收名也遠

柳子厚曰當先讀六經次論語孟軻書皆經言左氏國語莊周屈原之辭稍采取之穀梁子太史公甚峻潔可

以出入

又云勿怪勿雜

編文

東萊先生曰左氏西漢文選韓柳歐蘇曾子固陳無已
張文潛秦少游文粹皆須分門節如郊祀禮樂宮室朝
會官名書籍器用祥瑞車旗聖學御製御書之類是也
如左氏三辰旂旗之類皆可入車旗如二京三都賦
所言居處皆可入宮室如西漢樂章之類皆可入郊廟
禮樂等處如韓文上尊號表潮州謝表皆可節入歌頌
功德如柳文轆轤三光陶鎔帝皇之類皆可節入聖學

如歐公會聖宮頌之類皆可節入宮室如東坡御飛白
記太宗御書贊之類皆可節入御書餘以類推

又當作一冊編四字語先自毛詩編次及秦碑漢章元
和聖德詩平淮夷雅凡四字語可取者編之

詩書須節一遍以備四六之用長句作一處節如乃心
罔不在

王室學有緝熙于光明之類四字作一處如迄用有成熙
帝之載之類兩字作一

處如疇咨若時
燕及之類

謝景思曰四六全在編類古語唐李義山有金鑰宋景

文有一字至十字對司馬文正有金桴王岐公最多
中興館閣書目陸贄備舉文言三十卷摘經史為偶對
類事共四百五十二門李商隱金鑰二卷以帝室職官
歲時州府四部分門編類韓愈西掖雅言五卷序云餘
暇擬作自大制令逮於百執事或云非愈所作

南豐序晏元獻公類要總七十四篇皆公所手抄六藝
太史百家之言騷人墨客之文章至於地志族譜佛老
方伎之衆說旁及九州之外蠻夷荒忽詭變竒跡之序

錄皆披尋紬繹公之得於內者在此所以光顯於世者有以哉觀公所自致者如此則知士不素學而處從官大臣之列備文儒道德之任其能不餒且病乎此公之書所以為可傳也

玉海卷二百一